


लईका मन बर बाईबिल प्रस्तुत करत हवे।



ईशु बर एक ठीन भयंकर बेरा

लिखे गए हवे। : Edward Hughes

उत्साह बढ़े गए हवे। : Byron Unger; Lazarus

अनुवाद करे गए हवे। : मधुलिका महतो

चयन करे गए हवे। : M. Maillot; Sarah S.

कथा ३८ ले ६०

www.M1914.org

Bible for Children, PO Box 3, Winnipeg, MB R3C 2G1 Canada

लाईसेंस : आप मन करा इ कथा ल छापे बर अऊ नकल करे के अधिकार
तमे तक हे जब तक आप मन एला बेचिहा नाही।

Chhattisgarhi

जब ईशु हर
बपतिस्मा लिस,
भगवान हर गोठियाइस।
वोहा कहिस कि इहर
मोर अब्बड़ मयारू बेटा
हावय। ओखर ले
“मयहर पुरा हिरदे ले
परसन्न हावय।” भगवान
के पबितर आत्मा हर
एकठीन परेवा कस
इशु के उपर म
उतरीस।




1

ओखर तुरत पाछु, भगवान
के पबितर आत्मा हा एक
ठीन बालु भरै जघा म ईशु
ल ले गइस। इसु ऊहाँ
एकेझीन रहिस।




2

इसु हर चालीस दिन ले उपास करिस। ऐखर कारन हावय कि ओहर कोन्हों परकार के जीवन ल नइ खाइस। ओहर अब्बड़ भुखाय रहिस।




3

बाइबिल हा बताथे कि ऊहाँ जंगली पशु घलो रहिस।




4

सइतान हा ईशु के परीछा लेहे बर आइस। सबले आधु ओहर आदम अऊ हवा ल अदन के वाटिका म भगवान के आग्या नई माने बर उकसाए रहिस। अब ईशु के परीछा करे बर रहिस।




5

सइतान भगवान के बेटा, ईशु के घलो परीछा लेहे के कोसिस करिस।




6

सइतान हा कहिस, जदि "तैहर भगवान के बेटा हावस, त इ पथरा ल रोटी म बदल दे।" ओला बेरा रहिस कि ईशु हा भुखन हावय।



7

ओहर इ घलो जानत रहिस कि भगवान के बेटा हा पथरा ला रोटी म बदले सकत हावय। का ईशु हा सइतान के आग्या ल मानीस ?



8

नई। ईशु शइतान के आग्या के पालन नइ करिस। एखर बदला ओहर भगवान के बचन ले ओहर जुआब दिस, ...




9

... "कि लिखाय हावय कि मइनखे खाली रोटी लेच नई, लेकिन सब्बो झन बचन ले जोनहा भगवान के मुहुँ ले निकरिस हे जियत रहीं।"




10

फेर सइतान ईशु ला जिहाँ मइनखे मन भगवान कर पुजा-पाठ करथे, पबितर मंदिर थरु सलेम के महान सहर म ले गईस। सइतान हा आघु काय करे बाला रहिस ?



11

सइतान हा कहिस, "जदि तेहर भगवान के बेटा हावस, त अपन आप ल इ पहार के टीप ले गिरा दे। काबरकि ओखर बचन के अनुसार ओखर स्वरगदूत मन तोला बचा ले हीं।"




12

"नई"। ईशु हा जुआब दिस। "एहु घलो लिखाय हावय ... कि तय अपन परभु के परीछा झन करबे।"




13



सइतान हा फेर ले कोसिस करिस। ओहर, सहर के बाहिर ईशु ला एकठीन अब्बड़ उपर पहार के टीप म ले गईस।

14

सइतान हा ईशु ला सनसार के राज कर सब्बो रूप-रंग ल देखाइस, फेर सइतान हा कहिस “जदि तै तरि म झुकके मोला जोहार करबे त मय हा तोला इ सबो जीनीस ला दे दिहा।”



15

तभे ईशु हा ओला कहिस, “हे सइतान दूर हो जा, काबर कि लिखे हावय, कि तैय हा परभु अपन भगवान ल परनाम कर, अऊ खाली ओकरेच उपासना करबे।”




16

सइतान हा थोर कन देर बर ईशु ल छोड़ दिस। फेर कुछु अद्भुत होइस।



17

भगवान ओखर बेटा ईशु ला सुरताय बर अऊ देखभाल बर स्वरगदूत मन ला भेजिस काबर कि ओहर सइतान के गोठ के पालन नई करिस।



18

ईशु बर एक ठीन भयंकर बेरा

इ कथा हर भगवान के बचन के द्वारा एक ठी बाईबिल पाए जाथे।

मत्ती 4, लुका 4

“आप मन कर बानी हर एला अंजोर देखे।”
भजन संहिता ११९ : १३०

भगवान ला पता हे कि हमन गलत काम करे हन जेन ला ओहर पाप कहिथे। पाप के सजा मौत हावे।

भगवान हमन ले बहुत प्यार करथे, ओहर अपन बेटा ईशु मसीह ला क्रूश में मरे बर अऊ हमर पाप के सजा ला पाये बर भेजीस। ईशु मसीह हा फेर जिंदा होगिस अऊ स्वर्ग वापस चल दिस ! अब भगवान हर हामन के पाप बर माफ कर सकथ हे।

अगर आप मन अपन पाप ले मुख ला मोड़े बर चाहत हव ता भगवान ले ये कहव : हे भगवान! मैं विश्वास करथव कि ईशु मसीह हा मोर बर मरीस हावे अऊ अब ओहर फेर ले जीवित हावे। दया करके मोर जिंदगी मा आवव अऊ मोर पाप ला क्षमा करव। ताकि मैं हर अभी नांवा जिंदगी ला पा सकव, अऊ आप मन के संग मा हमेशा बर रह सकव। आपके बेटा बनके आप बर जिये सकव।

बाइबल ला पढ़व अऊ भगवान से रोज बात करव !